

RADI SE

Dolaskom proljeca i Grbavci su oživjeli pa se radi na sve strane. Trenutno je u toku akcija izgradnje spomen-obilježja i vidimo pomalo zastarjele fotografije zemljanih radova koje su izveli naši mladici iz sela, angažovani od strane izvodjaca. Inace, vec su okoncani i drugi radovi, tako da je uradjena betonska osnova po kojoj ce se lijepiti mermer. Otvaranje, koje je planirano za 23 .maj (subota) ne bi trebalo doci u pitanje. Iz Gradjevinskog odbora jos jednom pozivaju sve koji nisu dali svoj prilog da to i ucine, posebno porodice žrtava od kojih se mnoge nažalost nisu još odazvale. Na drugoj strani, opet imamo dosta veoma dobrih donatora, i kada se sve završi, njihova cemo imena i javno objaviti. Dakle, radice se još i plato oko spomenika i rasvjeta, tako da ce sredstava trebati.



Uradjen je i krov na hodzinskoj, odnosno imamskoj kuci, i uskoro ce zapoceti unutrašnje uredjenje objekta, kako bi se ovdje trajno mogao useliti naš efendija i stvoriti mogucnosti za redovno obavljanje namaza u džamiji u džematu.



Betonsko kolje koje vidite je spremno za ogradjivanje Berbica mezarja na Cirilovom brdu u kojem su ukopovani naši stari. To je prvo muslimansko mezarje u Grbavcima koje se sada nalazi više u Gornjim Grbavcima, okruženo srpskim kucama. O njemu cemo pisati više kasnije, a sada da pohvalimo inicijatore i organizatore akcije ogradjivanja iz familije Šahbegovici, prije svega Fetiju i Hasana. Kada se mezarje ogradi, bice manja mogucnost oštécivanja nišana i gaženja po mezarovima.



Radi se i na privatnim objektima, i sve je više primjera da naši ljudi ulažu u obnovu svojih porušenih i oštećenih kuća. Majstore smo zatekli na kuci Fahrudina Fahre Hodžica koji su izvoditli vanjske radove.



Zbog ekonomske krize više će se zemljišta zasijati ove godine nego ranije, a Grbavci, ipak, kao što se vidi, polahko ali sigurno vraćaju stari izgled.